

Baibél Fuain Dólla
Házir óiye

Foóila
Eatar



Lekoya: Edward Hughes

Nokcá tulóiya: Janie Forest
Alastair Paterson

Borabor goróya: Lyn Doerksen

Torjuma goroya: John Anwar


Neelaiyé de óilde: Bible for Children
www.M1914.org

©2022 Bible for Children, Inc.

Laisen: Tuáñttú e kaháni yían neelai bólla yátou copí gorí bólla
hók asé, zetún fóijjonto tuñí yían óre nóo beso.



Isár maa Moriyame
faár or hañsa loi becí
abás ot tíai táki nizer
Fuar foran zargói de
saái táikkil. Híba
Isá re kúruc ot
diyé de zagar
dháke tíai accíl.



Iín beggún keéngorí
óiyé? Endilla dukkór
zindigi Isá ye keéngorí
haçaiyé? Alla ye kiyólla
Íbar Fua re kúruc
ot dí mari bólla
ezazot diyé?
Isá ye ki Íba
honnwá de yían
hoói nó fare de
né? Alla ki hári
giyói de né?



Noó! Alla hári giyói de
no. Isá ye honó hosurí
nó goré. Isá ye
hámica zaintou de,
hóraf manúic ókkol or
át ot Íbar moot óibou.
Isá gura accíl de yála
úddwa burá manúic
Címuone yó Moriyam
oré hoóil de, muúntu
ferecanir thaim asé.



Isá moribár kessú din
age, uggwá maiya fua
aái, Íbar théng ot
kúcbo añtor dháli diyé.
Isár sáhaba ókkole deikké rar,
híba ye añtor híin borbát gorér
bóli hoiyé. Montor Isá ye hoódde,
"Híba ye híin Añáre gañrai bólla gorér."




Yár baade, Isár sáhaba
ókkol or bútottu Yuhúda
name uggwá sáhaba ye
Isá re tiric cwá rufar
thiañ lói dóri dibollá
razirabbot óiye.



Yuhúdir azadir-id or thaim ot,
Isá ye Íbar sáhaba ókkol or
fúañti ahéri hána hádde yála, Íba
ye Allar hotá edde Íbar waadar
baabute ítara re hoiyé. Baade Isá
ye ruthi edde fiyala loi ítara re
borát gorí diyé. Yían goijjé de
Isár gusso edde lou wóre
yad gorí bólla,
ze lou wór
zoriya insán
ókkole guná
ttú maf faibou.



Baade Isá ye Íbar sáhaba ókkol óre hoiyé de ki, Íba
re dóri diya zaibou, ar tará beggún dái zaiboi.
Fitore hoódde, "Añí dái no zaiyúm," Isá ye hoódde,
"Rata-kurá bak dibar age tui Añáre no sinós hoói tin
bar inkar goríbi."



Hé raita, Isá
Getsímenir bagan ot
dua goittóu giyé.
Íbar fúañti giíl de
sáhaba ókkol gum
giyé. Isá ye dua
gorédde, "Ó Añár
Baf, e fiyala ibá Añár
hañsóttu loi félo,
montor Añár mozin
no óuk, bólke Tuáñr
mozin óuk."



Atíkka uggwá manúic or dhaái bagan
or bútoire aiccé, zetará re Isár
sáhaba Yuhúda ye ainné. Isá ye
ítarar uldha kessú nó goré, montor
Fitore súri loi uggwá manúic or
han haçi félaiye. Toratori
Isá ye manúic cwár han
nán dóri gom gorí diyé.
Isá ye zaintou de,
Íba re dorédde yían
ekkán Allar moncá.





Dhaái híba ye Isá re dhoóñr imam or gór ot loi giyé.
Héçe Yuhúdir neta ókkole hoódde, Isá ttu mora
foríbou. Ítarar dháke Fitor oinno gulam ókkol
or fúañti ooin fuai-fuai
híin saát accíl. Tin bar
foijjonto manúic ókkole
Fitor oré hoóil de ki,
"Tui Isár fúañti accíli!"
Tiní bar te inkar
goijjé, zendilla
Isá re tará
hoóil. Fitore
ebbere dhoóñr
són gorí
inkár goijjé.



Kuk-kúu-rúu-kúk


Hétunot uggwá rata
kurá bak diyé. Baade
Fitor ottú Isár hotá yad
foijjé rár, te haindé.





Yuhúda ye afsús haiye.
Kiyólla-hoilé te zaintou de,
Isá ye honó hosúri nó goré.
Yuhúda ye tiric cwá rufar
thiañ híin waafes difélaito
saái ye, montor imam
ókkole nó lo.






Yuhúda ye thiañ
gún melá mari
zai nize-baze
fáñci haiyé.




Imam ókkole Isá re Romi
hókumot goróya, Filat or
muúntu ainné. Filate hoódde,
"Añí e manúic Íba ttú honó
hosúri no fáir." Montor
manúic ókkole "Íba re
kúruc ot dou, kúruc ot
dou!" Hoói guzoijjíl.



Ahérit Filate Isá re kúruc
ot di marifélaibar hókum
goijjíl. Baade fóus ókkole
Isá re suár maijjé, sép
maijjé edde soóñk or bari
maijjé. Ítara uggwá keñçar
tas banai Íbar matát lagai
diyé. Toi ítara Íba mori
bólla gas or kúruc ot diyé.



Isá ye hámica zaintou de, Íba hondilla gorí moribóu.
Íba ye yíán ó zaintou de, Íbar morar zoriya insán
ókkole guná ttú maf faibou, montor Íbar uore iman
aníle siríf. Isár fúañti aró dui zon
dhañháit ó kúruc ot diyé.
Uggwá ye Isár uore iman
ainné de hétolla Jonnot
ot giyé, oinno wá ye
iman nú ané de
hétolla Jonnot ot
zai nó fare.



Isár dúk beggún fúrai giyó
rár, Isá ye hoódde, "Beggún
fúrai giyói." Héndilla hoói
Íba moiijé. Íbar ham
hótom óiye. Íba
re uggwá hobor
ot gañraiyé.



Baade Romi fós
ókkole hobor gwá
re moór marí diíl.
Hétolla ar kiyé hé
hobor gwát góli
neéli no faittou.



Kaháni zodi eddúr ot
fúrai zaitoi, tóoile
hondilla ferecanir hotá
óitou! Montor Alla ye
kessú taajuppa ham
goijjé. Isá mora
tái nó zagói.




Háftar foóilar cúrut din, beéinna
fózor ot, hodún Isár sáhaba
ókkole hobor óttu cíl lan
gan larifélaiye de loót
faiyé. Zeñtté tará
bútore saiyé, tará
Isá re héçe
nó deké.



Uggwá maiya fua hobor or muúntu
hañdat accíl. Isá ye zettót híba
re dahá diyé, híba kúci ye duñri
zai Isár sáhaba ókkol óre
hoiyé de, "Isá zinda asé,
íba mora ttú zinda
ói úiththé!"





Kessú thaim baade Isá Íbar sáhaba ókkol or
héçe aái Íbar át or zoloir hana daháiyé,
zeéne ítara zani faré de, Íba sóiyi Isá.
Fitore Isá re inkár goijjé de óile yó, Isá ye
Fitor oré maf gorí diyé edde Íbar sáhaba
beggún óre hóbor di bollá hókum diyé. Tói
baade Isá Jonnot ot giyégoi
zentú Íba aiccé.



Foóila Eastar

Allar Kalam ottú ekkán kaháni, Baibél,

loot fade

Moti Rukú 26-28, Lukás Rukú 22-24,
Yuhúnna Rukú 13-21

"Tuáñr Kalam gólaye foór diye."
Zobur Córif 119:130



Fúraiye



E Pak Kitab or kaháni ye añára re
añárár taijjuppa Allar baabute cíkaibou, zibá ye
añára re banaiyé edde zibá ye saádde, tuñí Íba re sinó.

Alla ye zane añára hóraf ham goijjí, ziín óre Íba ye guná hoó.
Gunár cánza óilde moot, montor Alla ye tuáñre becí muhábbot
goré de hétolla, Íba ye Íbar siríf ek Fuá Isá re difeçáiyé, taáke
kúruc ot foran de, edde tuáñr zoriya cánza fa. Baade Isá zinda
óiyore Íbar ghór ziyán Jonnot híyan ot giyégoi. Zodi tuñí Isár
uore iman aní, tuáñr gunár maf maiggó de óile, tooile Íba ye
tuáñre maf gorí dibou. Íba éhon tuáñr héçe aibóu edde f
úañti tákibou, ar tuñí Íbar fúañti zindigibór tákiba.

Zodi tuñí yían sóiyi de biccác goró, tooile Alla re yían hoó:
Óu adoijja Isá, añí biccác gorí de, Tuñí insán boni duniyait aái
añár guná llá foran diyó, edde Tuñí abár zinda óiyo. Meérbani
gorí añár zindigit aiyó edde añar guná re maf goró, taáke ehón
añí noiya zindigi fai, ar ek din jonnot ot zai Tuáñr fúañti
há mica táki fari. Añáre modot goró, taáke añí tuáñre
mani edde Tuáñr fua boni táki fari. Amin

Fottí din Baibél foró edde Alla loi hotá hoó. Yuhúnna 3:16

